

5120
DEO OPTIMO MAXIMO
UNI ET TRINO,
VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA,
QUOD LIBETARIIS DISPUTATIONIBUS

manè discutienda in Scholis Medicorum, die Jovis decimâ-septimâ
mensis Januarii, anno Domini M. DCC. LXXI.

M. JACOBO GOURLEZ DE LA MOTTE,

Doctore Medico, Præsidente.

An generalibus à physicis legibus, quibus humanum ordinari corpus observatum est,
natura quandòque discedere valeat?



EGES physicæ, rationes sunt summæ à naturâ insitæ, quæ faci-
cienda jubent, prohibentque contraria, ad bonum impellentes,
à malo removens. Cum rationes illæ, vel hæc decreta, nihil
aliud sint quam rerum cohærentia, sive (ut aiunt) relationes;
cum earumdem quoque rerum relationes nonnunquam mutare
valeat natura, novalque producere, quæ rarissimæ, nobis id-
circo quasi exoticæ videntur; binas propterea legum physica-
rum distinctissimas species. Priores consuetæ, dicuntur generales: insuetæ verò
posteriores, singulares nuncupantur. Simplex utraque ac constans legum species,
immutabilis utraque, utraque naturalis, summum naturæ ordinem, ordinem
universum servat. Naturam hominis credimus, esse omnium aggregatum, quibus
homo formatur, vivit, nascitur, crescit, decrescit, & denique moritur. Hanc
tanquam tutorem liberis, aut subiectis reginam adscripsit Numen supremum. Illos
cum integritate, cum utilitate, alloquitur natura; unde mellea eloquia, mandata
fixa, leges invariabiles.

I I.

LEX physica seu naturalis prima est respirare: urinam & fæces excernere secun-
da: trahere alimentum tertiâ: somno indulgere quartâ: augeri quintâ: sibi simi-
lem procreare sexta: denique lex naturalis septima, sexum tantum modò femininum
attingit. Huic prolem intra uterum, novem continuis mensibus, gestare man-
dat. Quo tempore circiter elapso, fetum edere decernit capite integro, dentibus
tamen capillisque destituito, cum duobus oculis & naso, cum brachiis, femori-
bus, cruribusque geminis; in pedibus, manibusque singulis cum digitis quinque,
cum masculinis, femininive partibus, cum linguâ, corde, pulmonibus binis,
ventriculo, hepate, cystide felleâ, liene, tribus intestinis gracilibus, & totidem
crassis, duobus renibus, & totidem ureteribus, vesicâ, &c. &c. en leges septem
maximè generales quas homini, toto vitæ curriculo, natura constituit. Quæ autem
ferie, quoniam mechanismo, respiratio, sæcum & urinæ excretio, susus, som-
nus, accretio, generatio, fetulque formatio, exercentur, septem denum illæ
leges observentur, docent & disputant inter se physiologi. Hæc itaque, ubi
obvia silentio prætermittimus, omnique amotâ theoriâ, solâ freti experienciâ,
inquirere properamus, an à legibus suis generalibus natura quandòque discedat?

I I I.

CONTRA & præcorum, & fere omnium neotericorum sententiam, dice-
mus cum Diemerbroekio, per minuta plura, per horas, per dies, quan-
dòque per hebdomades, & forsitan per menses, per annos, hominem sine respira-

tionem posse vivere. Istud fieri nequire, absque Halleianâ campanâ, vel Telliamedeâ laternâ, vel Drebbelliano vase, si contendas; præsto sunt urinatores Indici qui margaritas, gorgônias, & spongas in maris, & fluminis profundissimorum fundo quærentes, plerumque per semi-horam, aut diutius sub aquis commorari queunt, neque campanâ, nec laternâ, nec ullo vase firmantur. Sub undis resident urinatores Europæi, & tanquam aere libero, plenoque insident. Avunculo nostro servum quemdam novimus, qui, licet arte natatorum, & urinatorum careret, ad perpendicularum, fluvii fundum petebat, ibique, donec pisces grandiores & multos manu captasset, morabatur. Quot homines in aquas delapsi, mortui jam ab omnibus clamati, post continuam plurimum etiam dierum submerfionem, vitâ tamen adhuc gaudentes reperi sunt? (Vide Misc. Cur. Germ. Diaria cum Gall. tum extr. Biblioth. Cur. Medic.) Quot lethargici, nulla respirationis signa præbentes, sepulchri fuerunt, qui postmodum à sepulchri tenebris vivi prodierunt? (Vide Philippum Salin. Diomedem Corn. Levinum Lemn. Georgium piët. Paræum, Forestum, Hildanum, &c. &c.)

Ventrem, semel intra 24 horarum spatium, plerumque exoneramus. Nonnulli tamen longè diutius extant, facibus inquinati, neque ex iis minimum patiuntur incommodum. Sunt qui, per quinque, sex, septem, octo, aut quandòque novem & ultra dies, non excrementum cum essent juvenis (ait. Brassav. c. 6. t. de Med. purg.) nonnunquam per spatium novem, vel etiam duodecim dierum, non excrevi . . . non ægrotabam, imò quidem prosperâ gaudens valetudine, quotidie equitabam. Multos novimus recte sanos, qui, ventrem non nisi septimâ circiter die exonerant. Quot. verò & quoties mulieribus gravidis accidit, ut his dura, pigraque moretur alvus ad partem usque? Alba Concha ex patritiâ Venetorum gente, ad eò ad partem usque alvo adstricta fuit, ut vix septenis diebus, paulum excrementi aridi caprino similis emitteret. (Alexand. Bened. l. 19. c. 36.) Narrat Nicolaus Florentinus mulierem . . . Ab ipsâ die quâ concepisset, usque ad 45 diem, per ventrem nihil excrevisse, multum licet comederit atque biberit; neque medicamentis lenientibus, neque stimulantibus, neque clisteribus quamvis acutis, neque emplastris, neque unctionibus, neque solutivis, neque aliâ ullâ arte alvum solvi potuisse: veluti sana tamen remansit, & debito tandem tempore feliciter peperit. Alvi longè diutius etiam suppressæ novimus observationes. In Comment. Edimb. mentio est cujusdam feminae, nomine Joann. Young, quæ sexdecim annis continuâ fuit, alvum non exonerans nisi semel in anno. In Ephem. Germ. puellam tredecim mensibus permanfisse legitur, absque facum & urinæ excretionem.

Quotidie bibere, & edere, en tertia lex naturalis. Alioqui nullum incrementum, nulla vis in corpore; hincque modò subita, modò lenta macies, quæ tandem in mortem definit. Lex autem illa, licet primo intuitu severa ac stricta, nonnullas tamen exceptiones patitur. Testibus asitis, omni sæt ævo, quos posteritati mandarunt tum Academica, cum periodica commentaria. Quidam Romæ vixit (inquit Hermol. Barb.) annos quadraginta, solâ aeris inspiratione. Germana mulier triginta annis (juxta Joan. Bocat.) in omnimodâ inedâ vitam traduxit. Puella (referente Pogg. Florent.) vixit asira per duodecim annos. In palatinatûs pago, qui Schmitweiler appellatur, filia viatoris nomine Catharina, septem annos sine ullo cibo & potu exegit. (Asitorum si vis exempla recentiora, plurima apud Bibliot. Med. curios. invenies)

Somnus corpora recreat, redintegrat vires, valetudinem tuetur, pacator est operum, laborum medicus, cui dies cedit, nox legem facit, aufrens rerum etiam colores. Quis his somni doctibus bene pensatis, crederet multos diu vixisse, multoque a huc vivere absque somno. Refert Seneca, Mecanatem tribus annis integris sine somno permanfisse, & tandem ab hoc incommodo liberatum esse, solâ placidâ levique harmoniâ. Mente captus quidam, (Annotat Fern.) mentes

quatuordecim infomnes degit. Montuus testatur nobilem se novisse matronam, quæ per triginta quinque annos, infomnis extitit sana & citra noxam. Hodie, quot podagrosi, calculosi, melancolici, somni opem incassum invocant? Quot immoedicis agripniis resistunt nautæ, milites, & meretriculæ?

Nulla lex magis arbitraria quàm accretionis lex videtur. Num vulgatio alitudo humana extat a quatuor pedibus & semis ad quinque pedes & semis? Quot tamen, & quantoperè ab hacce regulâ discedunt individua? Illa ita: uræ brevitate, & contractione hūmi (ut ita dicam) serpunt; hæc contra corporis amplitudine, & proceritate, sydera attingere quasi minitantur. Utriusque generis exempla, quotidie sub nostris jacent oculis, hodie quidem talibus assueti sunt, & plerumque absque ullâ admiratione percutiuntur. Duo hemisphæria igitur, secundem suam gigas, & nanus habent. Nani omnes in Russiâ non sunt, in Americâ non gigantes omnes.

Homo sibi similem formare debet, en sexta lex naturalis. Hoc ne semper accidat, videamus. Quæ sint partes in utroque sexu, absolute necessariæ ad copulationem, nemo nescit. Quæ formulæ requisitæ ad reproductionem, quis ignorat? Demum quænam feminis debeant esse dotes, ut fertilitatem arguat, æquis inter physicos se scire dubitat? Qui ergo vel organis genitalibus, vel copulationis prodromis, vel feminis diathesi, delinquet, hic haud dubiè, necessariumque legi præsentem deerit. Plurimæ extant observationes, quibus infantes absque mentulâ in lucem prodiiisse, constat. Misellus infans (ait Thob. Cucul.) natus est qui . . . carebat in mbro virili: cujus loco, foramen, quo urinam profundebar, conspiciebatur; scrotum cum ambobus testiculis, ut in aliis conformatum videbatur. Nonnè astunt pueri, a genesi ipsâ eunuchi? Dicuntur eunuchi (notat Holl.) qui nati sunt sine testiculis. Infantem c. i. cum internè, tum externè deerant omnia genitalia organa secuit D. Mery. Nonne videntur aliquando à naturâ anaphrodisiaci? Inter adultos, alii defectu erectionis coitum celebrare nunquam potuerunt; alii defectu ejaculationis, feminis fertilis defectu alii. Nunquid reperiuntur nonnullæ mulieres, nativè steriles? Illæ nascuntur atretæ, hæc vero ametræ. (Phænomeni utriusque exempla, apud Germ. ephem. & apud Fab. Ab. Aquap. invenies.)

Septima, denique, lex naturalis, mulieri gravidæ, fetum in utero novem mensibus continuis gerere, hunc postea partibus suprà recensitis ornatum eliminare, præcipit. Naturæ talis est incessus: an verò immutabilis sit, necne? saltem prius, verum posterius, si reverâ partus septimestres, ac octi mestres adsint, ut unanimi voce clamant medici: si decimo quoque, vel undecimo vel quodecimo graviditatis mense & ultrâ parturiant feminæ, ut plurimi celeb. Physici contendunt. Quod autem ad foetus delineationem spectat, pueri nati sunt manibus, pedibusque destituti Strasburgi puella nata est, quæ digitis tum in anum tum pedum omnino carebat. In civitate eadem femella quocumque nata acceperat, & sine ventriculo, sine hepate, sine liene, sine pancreatè... Infantes visi sunt quadrupedes, & quadrumanes. Alii cum tribus testiculis, veluti familia Coleonum illustris; alii cum uno tantum, sicuti Sylla, & Tamerlanus; alii cum pene duplici, ut in cadavere Bononiæ publicè dissecto, observatum est. (Ceterum de hac re Scient. Reg. Acad. scripta evolve, & similia phænomena nancisceris.)

I V.

QUID ex tantâ rerum farragine censeamus, ex dictis suprà, facili intellectu. Homo non respirans, & vivens, homo nil manducans, & vivens, homo non dormiens... mulier atreta, mulier à septimo, ad duodecimum graviditatis mensem, pariens... fetus acephalus, fetus quadrupes & quadrumanis, fetus absque mentulâ &c. &c. sunt à lege generali declinationes, varietates, & phænomena naturæ. Hæc individua peculiaria, ordinem naturæ univertum acque servant; ac illâ generalia, quæ spiritum trahunt, quæ comedunt, quæ excernunt,

quæ dormiunt... Ratio est quod individuum utrumque, naturæ sit opus, quod legem & mandatum, ab ipsâ data exequitur. Ratio, quod natura. non agat, non jubeat, nisi juxta rerum *relationes*. Ratio, quod corpora omnia naturalia, non effingantur, non vivant, non crescant, nisi positis suâ delineatione, suâque conformatione. Hæc porro *relationes*, hæc adjuncta rerum, illa diversa delineatio, illa propria conformatio leges infueltas, singularesve naturæ, efformant, quæ simplices, constantes, immutabileque pariter sunt, ac consuetæ, seu generales leges. Hinc summum naturæ ordinem, ordinem universum, custodire diximus.

V.

JUXTA nos, idcirco sequitur in humanâ specie, naturæ variationes, nec errores, nec confusio, inordinataque producta, nec res non-naturales, nec status præter-naturales, nec effectus naturam superantes, nec miranda stupendaque, nec prodigia, nec monstra, haberi posse. Illæ, solum modò de regulis naturæ communibus sunt exceptiones, quibuscum integrè nondum assuefacti sumus, quarumque principia, nobis nondum sunt perfectè cognita, temporis inopiâ, experientiaque defectu. Illæ, naturæ sunt phænomena, semper simplicis, constantis, atque consimilis, quorum autem commodum, simul ac incommodum, individua duntaxat, illa ferentia, respiciunt. Denique, variationes illæ, à generalibus Physicis legibus sunt declinationes, ab aliis legibus dispositæ, quæ particulares appellantur.

Ergo generalibus à physicis legibus, quibus humanum ordinari corpus observatum est; natura quandòque discedere valet.

DOMINI DOCTORES DISPUTATURI.

M. Theophilus DE BORDEU, Eques Nosocomii Regii & Militaris Burgensis Medicus designatus.

M. Jacobus GOURLEZ DE LA MOTTE, aulicus Præfès.

M. Josephus-Maria LASSONNE, Regis in Sacro Consistorio Consultarius, Regina dum viveret Medicus Primarius, Censor Regius & Regiæ Scientiarum Academiae, necnon Regii Medicorum Nanceianorum Collegii Socius.

M. Petrus - Abrahamus PAJON DEMONCETS, Eques, Societatis Litteraræ Catalaunensis Socius.

M. Simon-Antonius BRINGAUD.

M. Julianus BUSSON, Nosocomiorum Regionum in Britannia Inspector.

M. Claudius-Thomas Guillemus GUILBERT DE PREVAL, rei Herbariæ Professor designatus, Christiani VII. Daniae & Norvegiæ Regis Consiliarius Medicus, à Medicis Consiliis, necnon Rerum Medicarum à Relatione.

M. Claudius-Josephus GENTIL, Militarium Nosocomiorum ad Regis Exercitum Medicus.

M. Petrus BERCHER, Facultatis Ex-Decanus & Academiae Censor, utriusque Pharmacia Professor designatus, Regiæ Hispaniarum Insantis dum viveret, necnon Regii Exercitus ad infimum Rhenum in ultimo Bello Medicus Primarius.

Proponebat Parisiis **TUSSANUS GUINDANT**, ex Virzione apud Bituricenses, Doctor Medicus Mompeliensis, Nosocomii Aureliæ Antiquus Medicus, Collegii Medicorum, Regiæque Societatis Rei Agrariæ ejusdem civitatis Socius, necnon Saluberrimæ Facultatis Medicinæ Parisiensis Baccalaureus.

A. R. S. H. 1771. A. SEXTA AD MERIDIUM.

Typis QUILLAU, Univers. & Facul. Med. Typographi, 1771.